

Här Gast Gibéryen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 31. Oktober 2018

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Finanzminister weiderzeleeden.

*Op den 1. Oktober 2018 hat d'Lëtzebuenger Zentralbank e «Guthaben» vun net manner wéi 212 Milliarden Euro an dem Kompensatiounssystem «Target 2» vun der Europäescher Zentralbank. Lëtzebuerg läit domadder op der zweeter Plaz hannert Däitschland mat 912,4 Milliarden Euro. Zu de Länner mat der gréisster Schold am Target2 System gehéieren Italien (Minus 492,5 Milliarden Euro a Spanien (Minus 389,1 Milliarden Euro).*

*De Prinzip vun engem Kompensatiounssystem oder Kontoausgläichsystem misst sinn, datt d'Konten reegelméisseg saldéiert ginn, zum Beispill all Owes oder eemol an der Woch. Sollt eent vun de grouse Schuldnerlänner senge Verpflichtungen net méi nokommen, an den Target2-system an d'Bréch goen, stéing Lëtzebuerg virun engem risegem Problem, d'Bankeplaz kéint esou kollabéieren. Dobäi ass gewosst, datt Italien nees gréisser finanziell Problemer muss meeschten.*

*An deem Zesammenhang wéilt ech dem Här Minister gär dës Froe stellen:*

- 1) Ass d'Regierung sech de Risiko vum Target2 System fir Lëtzebuerg bewusst?*
- 2) Am Respekt vun der Onofhängegkeet vun der Europäescher Zentralbank, wäert d'Regierung innerhalb vum Europäeschem Ministerrat an den Euroinstanzen plaidéieren, fir den Target 2 System nees an den Equiliber ze bréngen an duerno ze suergen datt d'Salden reegelméisseg an a kuerzen Ofstänn saldéiert ginn, wéi zum Beispill an der amerikanescher Federal Reserve?*

Mat déiwem Respekt,



Fernand Kartheiser  
Deputéierten